

SCRIPT OF EVENING GOJRI NEWS BULLETIN 17MAR 2025

1700HRS

اوننگ گوجری نیوز بولینٹن 17 مارچ 2025

یوہ آکاشوانی جموں بے ظفر اقبال تے نصرت تیں خبر سنو۔

HEADLINES

۱۔ وزیر اعظم نریندر مودی نے کہیو بھارت تے نیوزیلینڈ بشکار دفاع تے حفاظتی شراکت داری نانہہ مزید مضبوط کریں غا ا دواں ممالک نیاس حوالہ تیں ۵ معاہداں ور دستخط کیا۔
۲۔ جموں کشمیر قانون ساز اسمبلی مانہہ کاروباری مشاورتی کمیٹی غی رپوٹ متفقہ طور ور منظور۔

۳۔ صحت تے طبی تعلیم غی وزیر سکینہ اتو نے کہیو مربوط سماجی تحفظ سکیم تے اندرا گاندھی قومی بزرگ پنشن سکیم غے تحت پنشن غا بروقت تقسیم نانہہ یقینی بنایو جے غو۔
۴۔ کپواڑہ مانہہ حفاظتی دستہ تے دہشت گردان غے بشکار تصادم تے ایک دہشت گرد ہلاک۔
۵۔ ویشنو دیوی یاترا غا بیس کیمپ کترا مانہہ سماجی میڈیا غا مشہور شخصیت سمیت ۷ افراد ور شراب نوشی غا الزام مانہہ مقدمو درج کیو گیو۔

PM NZL TALKS

بھارت تے نیوزی لینڈ نے اج دفاع غاشعباں مانہہ ۵ معاہدہ غوتبادلہ کیو بے جن مانہہ تعلیم کھیڈ کود باغ بانی تے جنگلات شامل ہیں دواں فریقان نے مجاز اقتصادی باہمی تسلیم گا معاہدہ غو وی تبادلہ کیو وزیر اعظم نریندر مودی نے اج نوی دہلی مانہہ نیوزیلینڈ گا اپنا ہم منصف سنگ گل بات کی اپنی گل بات غے دوران بھارت نیوزیلینڈ گاتعلقات تو متعلق بکھ بکھ پھلواں ور گل کی گئی اپنا ایک پریش بیان مانہہ جناب مودی نے دسیو جے انہاں نے نیوزیلینڈ غا اپنا ہم منصف سنگ تفصیلی گل بات کی تے باہمی تعلقات نانہہ مزید ڈنگو کرن غی گل کی جن مانہہ دفاعی تے حفاظتی شراکت داری نانہہ مضبوط تے ادارہ جاتی بنان غوفیصلو کیو۔ انہاں نے مزید کہیو جے مشترکہ مشک تربیت تے بندرگاہ دورہ غے نال نال دفاعی صنعت مانہہ وی باہمی تعلق واسطے وی ایک دستو تیار کیو جے گو۔ اس سلسلہ مانہہ گل بات کرتا واں وزیر اعظم مودی نے کج اس طرح کہیو۔

BAC

جموں کشمیر قانون ساز اسمبلی نے اج ایوان غا کاروباری نظام تو متعلق بزنس ایڈوائزری کمیٹی یعنی بی اے سی غی سفارشات نانہہ متفقہ طور ور منظور کرلیو بے جموں کشمیر قانون ساز اسمبلی گا سپیکر عبدل رحیم راتھر نے رپوٹ نانہہ آوازی ووٹ واسطے پیش کیو جس نانہہ اراکین نے متفقہ طور ور منظور کرلیو سفارشات غے مطابق ۷۱، ۲۲ تے ۴۲ مارچ ۲۰۲۵ نانہہ ایوان غی نشستیں سویرے ۱ بجے شروع وین گی تے شام ۵ بجے اختتام پزیر وین غی دوپہر ۱ بجے ۰۳ منٹ تے لے غے ۲ بجے ۰۳ منٹ توڑی یعنی ۱ گھنٹہ واسطے چلیں گی۔ مزید اس تیں ۱۱ اپریل ۲۰۲۵ نانہہ بے شدہ سرکاری کاروبار نانہہ ۲۵ مارچ ۲۰۲۵ تک بدلاؤ کردتو گیو بے بی اے سی رپوٹ مانہہ شامل نظر ثانی واسطے قانون سازی کلینڈر نانہہ وی متفقہ طور ور منظور کرلیو گیو بے۔

PENSION

صحت تے طبی تعلیم غی وزیر سکتینہ اتو نے اج اس گل ور زور دتو کہ جموں کشمیر مانہہ مختلف پینشن سکیم ہیں جس مانہہ مربوط سماجی تحفظ سکیم تے اندرا گاندھی قومی بزرگ پنشن سکیم شامل ہیں اس غے تحت مستفیدان نانہہ بروقت پینشن فراہم کی جیں۔ یاگل وزیر موصوفہ نے شمیم فردوس غا سوال غا جواب مانہہ کہی۔ انہاں نے مزید دسیو کہ آئی ایس ایس ایس غے تحت پینشن غی تقسیم غو تفصیلی طریقہ کار آئی ایس ایس ایس اصول ۲۲۰۲ مانہہ درج ہے۔ جد کہ بزرگ پنشن سکیم غے تحت مالی مدد غو طریقو وی آئی ایس ایس ایس غی طرح ہے۔ البتہ بزرگ پنشن سکیم غے تحت ادانگی پورٹل غے زریعے کی ہے۔ اس سلسلہ مانہہ گل کرتا واں وزیر موصوفہ سکینہ اتو نے اس طرح کہیو۔

TERRORIST KILLED

وادی کشمیر غا کپواڑہ ضلع غا زلکوره علاقہ مانہہ اج حفاظتی دستہ غے سنگ تصادم مانہہ ایک نا معالوم دہشت گرد ماریو گیو ہے علاقہ مانہہ دہشت گرداں غی موجودگی غی اطلاع غے بعد حفاظتی دستہ نے زلچارا غا کھمبورا گراں مانہہ محاصرہ تے تلاشی غی کاروائی شروع کی تلاشی کاروائی غے دوران دہشت گرداں نے حفاظتی دستہ ور گولی سکو چلايو جوابی کاروائی کرتا واں حفاظتی دستہ نے ایک دہشت گرد نانہہ مار مکایو تے اس غے کولوں کُج اضلح تے بارود ملن توں علاوہ ایک ایک کے رائفل وی بر آمد کی ہے اس دہشت گرد غی پیچان کرنو اجاں باقی ہے تے یوہ پتو لانو اجیں باقی ہے جے اس دہشت گرد غو تعلق کس تنظیم سنگ ہے علاقہ مانہہ علاشی مہیم اجیں جاری ہے۔

OATH JUDGES

اج ہائی کورٹ جموں مانہہ جموں کشمیر تے لداخ غا چید جسٹس جسٹس ٹیشی رابنٹن نے چیف جسٹس کورٹ روم مانہہ جسٹس وسیم سادیگ ناگراں جسٹس راجیس سیکھری تے جسٹس محمد یوسف وانی نانہہ کورٹ غا مستقل جج غا طور ور حلف دوايو یے ترے جج اس تیں قبل اضافی جج غا طور ور خدمات انجام دے رہیا تھا۔ حلف برداری غی اس تقریب مانہہ ہائی کورٹ غا موجودہ تے سابق ججاں غے نال نال چیف سیکرٹری جے اینڈ کے ہائی کورٹ بار ایسوسی ایشن جموں گا صدر سیول تے پولیس انتظامیہ گا اعلیٰ افسر تے رجسٹری غا افسراں تے عملہ نے شرکت کی۔

KATRA FIR

سماجی میڈیا ور اثر انداز کرن آلو اوہن اوتراہ منی جہیڑو اوری غا نانہہ نال وی مشہور ہے ان ۸ لوکاں مانہہ شامل تھو جن غے خلاف ریاسی ضلع مانہہ شری ماتا ویشنو دیوی غا بنیادی کیمپ کٹڑہ غا ایک ہوٹل مانہہ مبینہ طور ور شراب نوشی گا الزامانہہ مقدمہ درج کیو گیو تھو جموں کشمیر پولیس نے ایک بیانمانہہ کہیو ہے جے ان ۸ لوکاں غے خلاف قانون غی خلاف ورزی کرن گا الزام مانہہ ایک ایف آئی آر درج کی گئی تھی۔ جن غا اس عمل توں لوکاں گا جزبات نانہہ ٹھیس پُچان غا الزام مانہہ انان نانہہ پکڑن واطے ایک ٹیم وی تشکیل دتی تھی۔ کترہ پولیس تھانہ مانہہ ۵۱ مارچ نانہہ ایک شکایت موصول ہوئی تھی جے ایک ہوٹل مانہہ ٹھہریا واہ کُج مہمان لوک قواعد غی خلاف ورزی کرتا واں احاطہ مانہہ شراب پیتا واں دیکھیا گیا اس تیں بعد پولیس نے ان ۸ لوکاں غے خلاف ایک کیس درج کیو میڈیا غا نمائندہ سنگ گل کرتا واں ضلع ریاسی گا ایس ایس پی یرم ویر سنگھ نے کُج اس طرح کہیو۔

COOKS WAGES

تعلیم غی وزیر سکینہ اتو نے اج ایوان نانہہ دسیو کہ پی ایم پویشن غے تحت کم کرن آلاں باورچیاں غی اجرت مانہہ اضافہ غ و معاملو آئیندہ پروجیکٹ منظوری بورڈ میٹنگ مانہہ چایو جے غو۔ یا گل وزیر موصوفہ نے مظفر اقبال خان غا سوال گا جواب مانہہ کہی۔ انہاں نے ایوان نانہہ آگاہ کیو کہ وزارت تعلیم بھارتی حکومت غا رہنما اصولاں غے مطابق باورچیاں نانہہ صرف ایک وقت غا کھانا غی تیاری واسطے ماہانہ ۰۰۱ روپیہ دتو جے۔ وزیر نے مزید دسیو کہ گزشتہ پروجیکٹ منظوری بورڈ میٹنگ مانہہ اجرت مانہہ اضافہ غی منگ رکھی گئی تھی لیکن اُس نانہہ منظور نی کیو گیو۔ وجہ یا تھی کہ باورچیاں نانہہ ملک پھر مانہہ یکساں تنکواہ دتی جے تے کسی مخصوص ریاست تے مرکزی علاقہ واسطے الگ تیں اضافو ممکن نہیں بے۔

HERITAGE CITY

حکومت نے اج واضح کیو کہ اس وقت پرانا جموں شہر نانہہ ورثہ غو شہر قرار دین غی کائے تجویز زیر غور نہیں بے۔ صہت تے طبی تعلیم غی وزیر سکینہ اتو نے ایوان نانہہ دسیو کہ فی الحال اس ہوالہ تیں کوئی منصوبہ حکومت غے قول موجود نہیں بے وزیر موصوفہ نے یوہ بیان وزیر اعلیٰ عمر عبداللہ غی طرفوں یدویر سیٹھی غا سوال گا جواب مانہہ کہی۔

ZERO HOUR

جموں کشمیر قانون ساز اسمبلی مانہہ جاری اجلاس غے دوران اج وقفہ سوال غے دوران بکھ بکھ ایم ایل اے غی طرفوں چایا گیا عوامی خدشات غو ایک سلسلو دیکھیو گیو قانون ساز اس، بلی غا حضرت بل تو ممبر سلمان ساگر نے ایوان غی کاروائی تے متعلق راز داری غی خلاف ورزی غ و مسلو چایو انہاں نے ایک سوال ور تشویش غو اظہار کیو جیڑی انہاں نے سرینگر مانہہ عوام غے درمیان سرکاری معلومات غی گردش غا بارا مانہہ کیو تھو جس تو غیر ضروری خوف و ہراس پھیل گیو۔ ایل ایل اے شمیم فردوس احسان پردیسی مشتاق گرو تے تنویر صادق نے مضبوطی سنگ عوامی امن و آمان غا خطرہ مانہہ جان بوجھ غیاس خلاف ورزی غا زہ داراں غے خلاف تحقیقات تے سخت کاروائی غا ان گا مطالبہ کی پر زور حمایت کی۔ ایم ایل اے بارہمولہ جاوید بیگ ایم ایل اے بیجبہارا ڈاکٹر بشیر ویری ایم ایل اے رام گڑھ ڈاکٹر دینندر کمار منیول ایم ایل اے بابو وکرم رنداوا ایم ایل اے مغربی ڈوڈھ شکتی پریہار ایم ایل اے بیرہ نگر وجے کمار تے ایم ایل اے مغربی ادھمپور پون کمار گپتا نے وی عام لوکاں غا مسئلہ مسائل قانون ساز اسمبلی مانہہ چایا۔

PM-MKB

وزیر اعظم نریندر مودی ملک تے بیرون ملک مانہہ رہ رہیا بھارتی شہریاں سنگ آئندہ 30 ما رچ نانہہ آکا ش وانی ور من کی بات پروگرام غا اپنا ماہانہ وار پروگرام مانہہ اپنا خیالات سانجہ کریں گا۔ یا ماہانہ وار پروگرام غی ۰۲۱ ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مودی ایپ یاہ فر مانی گوو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی ہی قابل قبول ویں گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن اینر مو بائل ایپ ور نشر تے ٹیلی کا

سٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر
اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر
تے ٹیلی کاسٹ کیو جائے گو۔ آکاش وانی اس پروگرام نانہ بندی نشریات تیں فوراً بعد علا
قائی زبانان مانہ وی نشر کرے گو۔
